

SLUŽBENI GLASNIK

OPĆINE GORNJI VAKUF - USKOPLJE

Godina VIII , broj 5

29. 05. 2008.

Bosanski jezik

Općinski načelnik:

188. Bosna i Hercegovina
Federacija Bosne i Hercegovine
Srednjobosanski kanton
OPĆINA GORNJI VAKUF-USKOPLJE
- OPĆINSKI NAČELNIK-

Broj : 02-14-198/08
Datum: 15.05.2008.godine

Na osnovu člana 112. Statuta Općine ("Službeni glasnik općine Gornji Vakuf-Uskoplje 1/01,3/05), i tačke III Smjernica za uspostavu i jačanje interne kontrole kod budžetskih korisnika ("Službene novine Federacije Bosne i Hercegovine", br. 19/05) Općinski načelnik d o n o s i,

P R A V I L N I K **o materijalnom poslovanju**

Član 1.

Pod materijalnim poslovanjem podrazumijeva se svaka nabavka roba i materijala putem Ugovora, narudžbenice i provedenog postupka nabavke roba u skladu sa procedurama određenih Zakonom o javnim nabavkama i dobivene donacije u robama i materijalima.

Član 2.

Nabavka materijala i roba, vrši se putem Ugovora koji potpisuje Općinski načelnik i narudžbenice koju može potpisati Općinski načelnik ili Pomoćnik načelnika za privredu finansije i stradalnike rata i Rukovodeći službenik na čiju inicijativu- zahtjev se vrši nabavka.

Član 3.

Nabavljeni kancelarijski materijal dostavlja se rukovodećem službeniku na čiju inicijativu je izvršena nabavka, koju će isti proslijediti službeniku/namješteniku ove službe za konačnu upotrebu. O nabavljenoj robi rukovodeći službenik obavještava Samostalnog referenta za statistiku, cijene, robne rezerve i likvidaturu, kojem dostavlja otpremnicu na kontrolisanje ispravnosti u smislu usklađenosti cijena sa ponudom(Ugovorom) ispravnosti količine i obavještava ga o tome kome je nabavljena roba dana na upotrebu, što ovjerava na poledini otpremnice.

Član 4.

Samostalni referent za statistiku, cijene , robne rezerve i likvidaturu vodi evidenciju o zaduženim službenicima/namještenicima za pojedinu vrstu robe koju isti upotrebljavaju.

Član 5.

Vrijeme puštanja javne rasvjete određeno je senzorskim svjetlosnim uređajem ili u slučaju kvara istog vrijeme puštanja javne rasvjete utvrđuje Općinski načelnik Odlukom.

Obim rada objekata javne rasvjete utvrđuje Odlukom Općinski načelnik. Kontrolu potrošnje objekata javne rasvjete vrši Komunalni inspektor u saradnji sa nadležnim licem iz preduzeća Elektrodistribucije.

Član 6.

Stanje horizontalne i vertikalne saobraćajne signalizacije, prati Općinska služba za civilnu zaštitu, stambeno komunalne poslove, obnovu i povratak i o istom izvještava Općinskog načelnika.

Član 7.

Za sve robe date na upotrebu odgovaraju službenici/namještenici koju isti koriste u obavljanju svojih poslova, a ukoliko iste nisu predate na konačnu upotrebu za eventualno nastali višak/manjak odgovara rukovodeći službenik koji je zaprimio nabavljenu robu.

Član 8.

Dobivene donacije u robama ili materijalu, koje ne prati adekvatna finansijska dokumentacija o novčanim vrijednostima dobivene donacije, mora se procijeniti (vrijednosno iskazati). Procjenu vrši komisija imenovana Rješenjem Općinskog načelnika.

Dobivene robe i materijal se dostavlja rukovodećim službenicima, na osnovu odobrenja Općinskog načelnika, koji iste dostavlja općinskim službenicima/namještenicima na korištenje i o tome obavještavaju Samostalnog referenta za statistiku, cijene , robne rezerve radi zaduženja uposlenika po istom i ažuriranja evidencije o izdatim robama

Član 9.

Sva donirana oprema prema Općini Gornji Vakuf-Uskoplje mora se procijeniti, unijeti kao imovina Općine i putem reversa zadužiti Služba i uposleni koji će istu opremu koristiti, po istoj proceduri koja je utvrđena za doniranu robu i materijal iz člana 8.

Član 10.

Služba za Civilnu zaštitu i stambeno komunalne poslove vodi evidenciju o poslovnim prostorima općine kao i načinom gazdovanja istim. Ključevi poslovnih prostora drže se u Službi za Civilnu zaštitu i stambeno komunalne poslove.

Kod obračuna vrijednosti ugovora o radovima obračunavat će se svi radovi potrebni za dovršetak objekta i predračunska vrijednost nabavki potrebnih za izvršenje radova, a koji se daju na raspolaganje ponuđaču (dobavljaču) i jednaka je ukupnom neto iznosu naknade koju treba platiti za sve radove.

Ukoliko predviđena nabavka dovede do dodjele nekoliko ugovora, koji se dodjeljuju istovremeno, vrijednost nabavke bit će jednaka ukupnoj predračunskoj vrijednosti ovih ugovora.

Kod konkursa za izradu idejne projektne dokumentacije ugovorna vrijednost se obračunava kao predračunska (procijenjena) neto vrijednost, a ako je javni konkurs raspisan radi nabavke plana ili idejne dokumentacije ugovorna vrijednost bit će jednaka ukupnom iznosu nagrade odnosno isplate učesnicima.

Član 6.

Predmet ugovora ne može se dijeliti kako bi se promijenila vrijednost nabavke, izuzev ako su svi dijelovi tog ugovora (Lotovi) predmet istog postupka nabavke koji je određen za cjelokupni ugovor odnosno nabavku.

Član 7.

U otvorenom postupku ponudu može podnijeti svaki zainteresirani dobavljač koji se javi na objavljeni oglas, dok u postupku Konkurentskog zahtjeva za dostavljanje ponuda i ograničenom postupku svaki zainteresirani dobavljač može podnijeti zahtjev za učestvovanje, a ponudu će dobiti samo dobavljači koje pozove Općinski načelnik poslije oglašavanja javne nabavke.

Kandidati koji budu pozvani da podnesu ponudu u ograničenom postupku bit će odabrani nakon otvorenog pretkvalifikacionog postupka.

U postupku pregovaranja sa prethodnom objavom obavještenja i bez prethodne objave obavještenja koja se koristi izuzetno izbor će se izvršiti nakon otvorenog pretkvalifikacionog postupka i pregovora u vezi uvjeta i rokova nakon čega se učesnici pozivaju da podnesu konačne ponude.

Član 8.

Alternativne ponude bit će dozvoljene samo u slučajevima gdje je isključen kriterij za dodjelu ugovora ekonomski najpovoljnije ponude, a što će se, ovisno od konkretne nabavke, utvrditi u tenderskoj dokumentaciji. Alternativna ponuda podnosi se odvojeno od osnovne ponude.

Član 9.

Okvirni sporazum o nabavci može se zaključiti samo nakon provedenog otvorenog ili ograničenog postupka prema odredbama ZJN BiH. Na osnovu Okvirnog sporazuma zaključuju se ugovori tijekom cijelog ugovornog perioda sa uspješnim ponuđačem bez prethodnog ponovnog provođenja postupka javne nabavke, gdje se primjenjuju zakonske odredbe u vezi svakog od ugovora koji su dodijeljeni na osnovu okvirnog sporazuma. Okvirni sporazum će se zaključiti u slijedećim predmetima nabavke:

- Ako je u predmet ugovora roba ili usluga koje nisu klasificirane kao trajno sredstvo;

- Ako su predmet ugovora roba ili usluge čije se cijene i uvjeti isporuke često mijenjaju;
- Ako su predmet ugovora kontinuirane popravke ili radovi na održavanju;
- Kada se treba zaključiti više identičnih ugovora u roku od jedne godine te bi se na taj način smanjili troškovi nabavke.

Odredbe zaključenog okvirnog sporazuma ne mogu se mijenjati već se samo mogu u cijelosti staviti van snage, a prilikom njegovog zaključenja vodice se računa da li se sprječava ili ograničava tržišna konkurencija. Okvirni sporazum može se zaključiti na period od 2 (dvije) do 5 (pet) godina.

Član 10.

Postupak nabavke obavljat će se shodno sa vrijednosnim razredima predviđenim u ZJN BiH, odnosno procijenjenom vrijednošću konkretnog ugovora. Kod vrijednosti ugovora od 30.000,00 KM ili veće (robe i usluge), odnosno 60.000,00 KM (radovi), treba primjenjivati primarno domaće vrijednosne razrede, odnosno otvoreni postupak, ograničeni postupak, pregovarački postupak sa oglašavanjem ili bez oglašavanja, a kada je vrijednost ugovora manja od 30.000,00 KM (robe ili usluge) ili 60.000,00 KM (radovi), primjenjivat će se postupak koji se odnosi na dodjelu ugovora ispod domaćih vrijednosnih razreda, odnosno direktni sporazum, ako je vrijednost nabavke manja ili jednaka 3.000,00 KM, ali tako da ukupna vrijednost nabavke putem direktnih sporazuma ne prede 10% od godišnjeg proračuna predviđenog za tu vrstu nabavki.

Ukoliko je vrijednost ugovora u slučaju roba i usluga jednaka ili veća od 500.000,00 KM za državne organe ili 700.000,00 KM za lokalne organe ili javne subjekte iz Člana 3. stav 2. ZJN ili u slučaju vrijednosti radova jednako ili većoj od 2.000.000,00 KM postupak se vodi po međunarodnim vrijednosnim razredima.

Član 11.

Planiranje javnih nabavki i donošenje plana javnih nabavki vrši se početkom svake godine za tekuću godinu. Plan javnih nabavki donosi Općinski načelnik, a na osnovu prošlogodišnjeg izvještaja o izvršenim nabavkama u tijeku cijele protekle godine, a obuhvatit će i potrebe za tekuću godinu sa utvrđenim vrstama i karakteristikama uz osiguranje sredstava u proračunu. Potrebe za tekuću godinu utvrđuju se na osnovu pojedinačnih zahtjeva svakog Pomoćnika načelnika, a čiji zahtjev će obuhvatiti pojedinačne zahtjeve službenika i namještenika određene Službe.

U planu će se, također, navesti period za koji se donosi kao i način osiguranja sredstava za planirane javne nabavke, kao i planiranje zaključenja novih ugovora ili okvirnih sporazuma kojima period na koji su zaključeni ističe u tekućoj godini. Plan nabavke sačinjava se paralelno s postupkom izrade proračuna.

POSTUPAK NABAVKE

Član 12.

Postupak javne nabavke pokreće se podnošenjem zahtjeva/prijedloga Općinski službi, a koji je sukladan s

Planom nabavke donesenim od strane Općinskog načelnika.

Zahtjev sadržava:

- predmet nabavke
- neto procijenjena vrijednost nabavke
- budžetsku poziciju sa koje su se osigurala sredstva

Zahtjev/prijedlog se podnosi Općinskom načelniku, koji donosi Odluku o provođenju postupka javne nabavke ili odluku o odbijanju zahtjeva/prijedloga. Odluka o provođenju postupka dostavlja se Komisiji koja otpočinje postupak javne nabavke.

Član 13.

Sva obavještenja o javnoj nabavci kao i obavještenja o dodjeli ugovora i obavještenja o poništenju postupka javne nabavke objavljuju se u Službenom glasniku Bosne i Hercegovine.

O objavljivanju obavještenja stara se Sekretar komisije ili osoba koju ovlasti predsjednik komisije.

Ukoliko vrijednost ugovora prelazi vrijednost međunarodnih vrijednosnih razreda obavještenje o nabavci biće dostavljeno i na web stranici javnih nabavki ili u novinama sa međunarodnim optičajem.

Član 14.

Obavještenje o nabavci sadrži slijedeće podatke:

- Ime, adresu, telefon, telefaks, web stranicu i e-mail adresu osoba od kojih se može dobiti tenderska dokumentacija,
- Vrstu postupka dodjele ugovora i podatak o tome da li je predviđen okvirni sporazum,
- Planiranu nabavku roba, usluga i radova sa navedenim kratkim opisom karakteristika predmeta ugovora, kao i podatke o tome da li je predmet ugovora dalje podijeljen na lotove, te mogućnost podnošenja ponuda za jedan ili više lotova,
- Mjesto i vremenski rokovi za obavljanje radova, isporuku roba i pružanje usluga,
- Trajanje ugovora u slučaju gdje je to primjereno,
- Da li su alternativne ponude dopuštene ili zabranjene,
- Listu tražene dokumentacije za dokazivanje i ocjenjivanje kvalifikacija ponuđača,
- Tačan datum, mjesto i vrijeme prijema zahtjeva/ponuda za učešće
- Tačan datum, mjesto i vrijeme otvaranja ponuda u slučaju otvorenog postupka.
- Kriteriji za vrednovanje utvrđeni sa „isključivo najniža cijena“ ili „ekonomski najpovoljnija ponuda“ u skladu sa tim i podkriteriji,
- Kratki pregled uvjeta u pogledu garancija za osiguranje ponuda, ako postoji i garancija za izvršenje ugovora,
- Uvjete u pogledu upotrebe jezika,
- Eventualnu novčanu naknadu za tendersku dokumentaciju, a u slučaju da je takva naknada utvrđena i uvjete plaćanja,
- Datum planiranog obavještenja o nabavci.

Član 15.

Na osnovu člana 13. stav 1. ZJN, tenderska dokumentacija se izrađuje tako da sadrži najmanje slijedeće podatke:

- Ime, adresu, telefon, telefaks, i e-mail adresu kontakt osobe sa dobavljačima u vezi sa postupcima nabavke,
- Odabrani postupak dodjele ugovora i podataka o tome da li je predviđeno zaključivanje okvirnog sporazuma,
- Navode o karakteru danih proizvoda, usluga ili radova, iznose obim i količinu, odgovarajuće uvjete u pogledu zaštite okoline, kod proizvoda podatak o tome da li je predviđen ugovor o kupovini, lizingu, zakupu, karakter usluga koje su sporedne u odnosu na glavni ugovor, kod radova podatak o tome da li ugovor podrazumijeva izradu projekta, u slučaju okvirnog sporazuma procijenjenu ukupnu vrijednost za nabavke za vrijeme trajanja okvirnog sporazuma,
- Tehničke specifikacije roba, radova ili usluga,
- Mjesto izvršenja obavljanja radova, isporuke proizvoda ili pružanja usluga,
- Ukoliko je predmet nabavke podijeljen na Lotove opis Lotova i mogućnost podnošenja ponude za jedan, vise ili za sve Lotove,
- Rokovi za izvršenje radova, isporuku roba ili vršenje usluga,
- Dopuštenost ili zabranjenost alternativnih ponuda, u slučaju dopuštenosti, minimalne uvjete u pogledu alternativnih ponuda,
- Kriteriji odabira u pogledu osobne situacije u kojoj se nalazi ponuđač u skladu sa člankom 23. ZJN i potrebni dokumenti za njihovo ocjenjivanje, kriteriji za odabir u pogledu ekonomsko-financijskog stanja ponuđača u skladu sa člankom 24-26 ZJN i potrebni dokumenti za njihovu ocjenu ukoliko se ovi kriteriji zahtijevaju od ponuđača obzirom da nisu obavezni za razliku od prethodnih kriterija, navođenje uvjeta u pogledu kvalifikacija za grupu pojedinih ponuđača koji dostavljaju jednu ponudu ukoliko je to slučaj u konkretnoj nabavci,
- Kriteriji za vrjednovanje ponuda utvrđeni sa „isključivo najniža cijena“ ili sa „ekonomski najpovoljnija ponuda“ kao i podkriteriji za „ekonomski najpovoljniju ponudu,
- Uvjeti ugovora koji ugovorni organ predlaže dobavljačima kao i nacrt ugovora,
- Period važenja ponuda,
- Uvjeti u vezi garancija za osiguranje ponuda i garancija za osiguranje ugovora,
- Mjesto, datum i vrijeme za prijem zahtjeva za učešće u otvorenom, ograničenom ili pregovaračkom postupku,
- Mjesto, datum i vrijeme za prijem ponuda,
- Mjesto, datum i vrijeme za otvaranje ponuda,
- Informacija da će ponudene cijene biti u KM, ili ako su cijene izražene u stranoj valuti navod da će one biti pretvorene u KM, prema deviznom kursu koji utvrđuje Centralna banka BiH na dan prijema ponuda,
- Podaci o kalkulaciji cijene i načinu njenog iskazivanja u ponudama u koju će biti uračunate svi odgovarajući porezi i takse,
- Uvjeti u pogledu upotrebe jezika ugovora, u slučaju da je ponuđač strano lice.
- Naznaka preferencijalnog tretmana domaćeg,

Ukoliko se radi o postupcima koji se provode ispod domaćih vrijednosnih razreda (konkurentski zahtjev za dostavljanje ponuda) tenderska dokumentacija će sadržati samo osnovne podatke.

Stručne elemente tenderske dokumentacije sačinjava nadležna općinska služba (specifikacije, predmjere i predračune, projektni zadatak) te vrste i karakteristike opreme te ostale stručne elemente koje treba sadržavati tenderska dokumentacija. Tendersku dokumentaciju kompletira Komisija prije obavještenja o postupku nabavke shodno postupku koji se provodi, odnosno prije obavještenja u Službenom glasniku BiH, a shodno postupku koji se provodi.

Član 16.

Ponude se dostavljaju osobno ili preporučenom postom koja treba biti propisno ovjerena od strane ovlaštene osobe ponuđača, u skladu sa uvjetima iz javnog oglasa i preuzete tenderske dokumentacije. Ponude se dostavljaju u zatvorenoj koverti sa naznakom „NE OTVARATI“ . Bilo kakve naknadne promjene u ponudi nisu dopuštene. Za osobno dostavljanje izdat će pismenu potvrdu ponuđaču u koju se unosi datum i sat prijema ponude, a što se također konstatira i na samom kovertu u koji je ponuda upakovana, a za ponude stigle poštom naznaka o datumu i satu prijema ponude stavlja se na samoj koverti od strane osobe koje primi ponudu u prijemnom uredu.

Član 17.

Sve ponude čuvaju se neotvorene do vremena utvrđenog za otvaranje ponuda. Ponude dostavljene nakon isteka krajnjeg roka za dostavljanje ponuda, ne otvaraju niti se razmatraju, nego se zatvorene vraćaju ponuđaču uz obrazloženje.

KOMISIJA ZA JAVNE NABAVKE

Član 18.

Komisiju za javne nabavke obrazuje i imenuje Ugovorni organ (Općinski načelnik) Rješenjem i čine je tri člana, a ukoliko se radi o nabavci čija je predračunska vrijednost na razini međunarodnih vrijednosnih razreda, Komisija se sastoji od pet članova.

Ugovorni organ- Općinski načelnik je dužan, između članova Komisije imenovati Predsjednika Komisije, koji usmjerava rad Komisije i na taj način osigurava poštovanje odredbi Zakona i Uputa o primjeni Zakona. Ugovorni organ, također, imenuje i tajnika Komisije, bez prava glasa, koji vrši administrativne poslove za Komisiju, priprema zapisnike sa sastanka Komisije i izvještaje o radu Komisije vodi dokumentaciju i vrši druge poslove koje zahtijeva predsjednik Komisije.

Za predsjednika i članove Komisije može se imenovati osoba koja, pored moralnih kvaliteta posjeduje i stručne sposobnosti , te da je upućeno u propise o javnim nabavkama.

Na zahtjev predsjednika Komisije, a u slučaju potrebe stručnog znanja o predmetu nabavke, može se angažirati ekspert iz date oblasti koji može biti samo konsultant za navedenu nabavku, a čije mišljenje će biti navedeno u zapisniku Komisije.

Član 19.

Komisija obavlja poslove u skladu sa ovlastima iz Rješenja o obrazovanju komisije za javne nabavke i obavlja poslove do okončanja konkretne javne nabavke (ako se radi o ad hoc Komisiji) ili do imenovanja druge stalne Komisije (ukoliko se radi o stalnoj Komisiji).

Član 20.

Komisija obavlja povjerene poslove u ime ugovornog organa, a za donošenje odluke o dodjeli ugovora odgovoran je Općinski načelnik.

Član 21.

U Komisiju se mogu angažirati i najviše dva eksperta ukoliko predmet nabavke iziskuje posebno tehničko ili specijalizirano zvanje. Inicijativu za imenovanje eksperata Općinskom načelniku daje predsjednik Komisije. Navedeni eksperti učestvuju u radu Komisije, ali bez prava glasa pri odlučivanju.

Na sve članove komisije kao i na angažirane eksperte primjenjuju se zakonske odredbe u vezi povjerljivosti i nepristranosti, što se osigurava davanjem odgovarajuće izjave (izjava o nepristranosti i povjerljivosti), koja se daje prije otvaranja ponuda.

Član 22.

Komisija je dužna u toku svog rada odnosno provođenja postupka javne nabavke održati najmanje dva zatvorena sastanka na kojima odlučuje o upoređivanju i ocjeni pristiglih ponuda, a radi sastavljanja preporuke komisije Ugovornom organu o najpovoljnijoj ponudi.

Komisija je dužna o svom radu podnijeti izvještaj Ugovornom organu. Izvještaj o radu komisije koji se podnosi Ugovornom organu, sastavlja i podnosi Predsjednik komisije, a potpisuju ga svi članovi Komisije.

OTVARANJE PONUDA

Član 23.

Ponude se otvaraju na javnom otvaranju ponuda, neposredno nakon isteka krajnjeg roka za dostavljanje ponuda na otvorenom sastanku Komisije na dan i sat naveden u tenderskoj dokumentaciji. Svi dobavljači, ili njihovi predstavnici, koji su blagovremeno dostavili ponude, mogu prisustvovati javnom otvaranju ponuda. Komisija pristupa otvaranju ponuda po redoslijedu prispjeća. Koverta sa ponudama otvara jedan od članova Komisije (koga odredi predsjednik Komisije), a nakon otvaranja koverti svi članovi Komisije potpisuju poledinu zadnje strane ponude. Prilikom otvaranja ponuda Komisija ne razmatra niti vrši uvid u sadržaj dokumenata ponude, već će objaviti prisutnim ponuđačima za svaku dostavljenu ponudu samo naziv ponuđača, ponudenu cijenu i eventualne popuste u ponudi. Komisija o svom radu vodi zapisnik u koji unosi sva zapažanja prilikom javnog otvaranja ponuda koji potpisuju svi članovi Komisije. Svakom od prisutnih ponuđača daje se po jedan primjerak zapisnika, a ukoliko je ponuđač uredno dostavio ponudu a nije prisutan prilikom javnog otvaranja ponuda, primjerak zapisnika se dostavlja poštom tom ponuđaču.

Član 24.

Kada se utvrdi da su podnesene najmanje tri uredne ponude, koje sadrže sva potrebna dokumenta naznačena u tenderskoj dokumentaciji, Komisija vrši ocjenu ponuda. U postupku razmatranja ponuda Komisija može zatražiti dodatno pojašnjenje pojedinih elemenata ponude od prijavljenog ponuđača, a to obavještenje i pojašnjenje ne može utjecati na predloženu ponudu na način da se ostvari prednost u odnosu na ostale ponuđače. Ukoliko neko od ponuđača dostavi u ponudi neuobičajeno nisku cijenu u odnosu na predmet ponude, od takvog ponuđača će se zatražiti da takvu cijenu opravda a ako to ne učini, njegova će se ponuda odbaciti. Objašnjenja u vezi neuobičajeno niske cijene odnose se na ekonomičnost proizvodnje robe, građevinske metode, izabrana tehnička rješenja, te primjenu i poštovanje odgovarajućih odredbi iz oblasti zaštite na radu, a sve u ovisnosti da li se radi o robama, uslugama ili radovima. Uporedbu i ocjenu ponuda Komisija vrši na posebnom zatvorenom sastanku, a nakon toga sastavlja preporuku o najpovoljnijem ponuđaču i dostavlja ga Ugovornom organu, te podnosi izvještaj o svom radu Ugovornom organu zajedno sa prilozima koji su potrebni da bi Ugovorni organ mogao donijeti konačnu odluku o izboru najpovoljnijeg ponuđača sa kojim će ugovorni organ zaključiti ugovor/okvirni sporazum.

Član 25.

U cilju pružanja zaštite obnovi i razvoju gospodarstva BiH i davanja podrške razvoju domaće proizvodnje, prilikom ocjena ponuda i dodjele ugovora o nabavci, dat će se prednost domaćem proizvođaču, tako što će se dati povoljniji tretman robama iz BiH i ponuđaču koji zaposli ili angažira, po osnovu podugovora, radnu snagu iz BiH. U pogledu cijena za robe koje ne potječu iz BiH izvršit će se povećanje cijena od 5% i to za ugovore dodijeljene u periodu 2008-2009.godine.

Kod ocjene ponuda prednost domaćem proizvođaču dat će se do najviše 10% od najviše ponuđene cijene, a kod zapošljavanja domaće radne snage kao odgovarajući ekvivalent uzimat će se da je zaposleno ili angažirano najmanje 50% radne snage iz BiH, što će, ukoliko su ispunjeni uvjeti, iz ponude značiti prednost za dodjelu ugovora o nabavci.

Sve prednosti koje se daju domaćem ponuđaču navode se u tenderskoj dokumentaciji istovremeno se daju jasna obrazloženja.

Član 26.

Postupak izbora najpovoljnijeg ponuđača je završen donošenjem konačne odluke o izboru najpovoljnijeg ponuđača sa kojim će biti zaključen ugovor ili okvirni sporazum, a nakon razmatranja preporuke Komisije.

Član 27.

Ugovorni organ će u roku od sedam dana od donošenja Odluke o izboru najpovoljnije ponude pismeno obavijestiti sve ponuđače koji su uredno dostavili ponude o odlukama u postupku nabavke.

Ukoliko je postupak nabavke uspješno proveden obavještenje iz prethodnog stava sadrži slijedeće podatke :

- Podatke o najuspješnijem ponuđaču,
- Ostale karakteristike i evidentne prednosti ponude koja je ocijenjena najuspješnijom ili nedostatke dostavljene ponude zavisno od toga da li se obavještenje šalje ponuđaču koji je izabran za najpovoljnijeg ili ponuđaču čija ponuda nije prošla.,
- Kao i pouku o pravu na prigovor kao redovno pravno sredstvo u roku od pet dana od dana prijema, u slučaju ponuđača čija ponuda nije prošla.
Ukoliko je postupak nabavke obustavljen ili prekinut obavještenje ponuđačima će sadržati slijedeće podatke:
- Ponuđači koji su uredno dostavili ponude obavješstavaju se o razlozima obustavljanja kao i o tome da li će postupak nabavke koji je obustavljen biti ponovljen ili je ugovorni organ odustao od te vrste nabavke.

Član 28.

Protiv Odluke o izboru najpovoljnijeg ponuđača nezadovoljni ponuđač koji je dostavio urednu ponudu može izjaviti prigovor kao redovno pravno sredstvo, o kome odlučuje Ugovorni organ, u roku od pet dana od dana prijema obavještenja.. Blagovremeno uloženi prigovor odlaže dodjelu ugovora dok se prigovor u potpunosti ne razmotri i ne donese odluka o prigovoru. Ukoliko ugovorni organ ne odluči po prigovoru ili negativno odluči o prigovoru nezadovoljni ponuđač koji je blagovremeno uložio prigovor može u roku od pet dana dostaviti žalbu Uredu za razmatranje žalbi. Po podnošenju žalbe ugovorni organ obustavlja postupak dodjele ugovora za pet dana odnosno dok Ured za razmatranje žalbi ne odluči po žalbi. Ukoliko nije bilo prigovora na Odluku o izboru najpovoljnijeg ponuđača niti žalbe povodom podnesenog prigovora, Ugovorni organ dostavlja obavještenje o najpovoljnijem ponuđaču, o datumu, vremenu i mjestu potpisivanja ugovora ili okvirnog sporazuma

Član 29.

Ugovor o nabavci zaključuje se sa ponuđačem čija je ponuda ocijenjena kao najpovoljnija u roku od 15 dana od dana kad su ponuđači obaviješteni o rezultatima izbora, pod uvjetom da nije bilo prigovora ni žalbi, a u tom slučaju nakon donošenja odluke Ureda za razmatranje žalbi.

Ukoliko dobavljač kojem je predloženo zaključenje ugovora o nabavci odbije zaključenje ugovora ili ne potpiše ugovor, odnosno odbije da potpiše ugovor u skladu sa uvjetima iz tenderske dokumentacije ili ne dostavi garanciju za izvršenje ugovora, predložit će se dodjela ugovora onom dobavljaču čija je ponuda ocijenjena kao najuspješnija iza najuspješnijeg ponuđača koji je odbio da zaključi ugovor.

Član 30.

Prilikom zaključenja ugovora o nabavci, cijena i uvjeti navedeni u najuspješnijoj ponudi i uvjeti iz tenderske dokumentacije ne mogu se mijenjati. Ugovor se zaključuje u skladu sa Zakonom o obligacionim odnosima, odnosno ugovorima iz oblasti robnog prometa.

Danom zaključenja ugovora ili okvirnog sporazuma o nabavci kao i direktnog sporazuma sa najpovoljnijim ponuđačem može početi nabavka od tog ponuđača.

Član 31.

O dodjeli ugovora daje se obavještenje o dodjeli ugovora u Službenom glasniku BiH, ukoliko je postupak javne nabavke bio oglašen u Službenom glasniku BiH, a ukoliko nije bio oglašen onda se obavještenje o zaključenom ugovoru šalje Agenciji za javne nabavke BiH zajedno sa izvještajem o javnoj nabavci. Obavještenje o dodjeli ugovora treba da sadrži slijedeće podatke:

- ugovorni organ, ime, adresa, telefon/telefaks, web stranica i e-mail adresa osoba nadležnih za dodjelu ugovora,
 - informacije kojima se tačno identificira obavještenje o nabavci koja je objavljena u vezi sa predviđenim ugovorom,
 - vrsta postupka za dodjelu ugovora i podatak o tome da li je zaključen okvirni sporazum,
 - podaci o predmetu ugovora,
 - datum zaključenja ugovora,
 - kriterij za dodjelu ugovora,
 - broj primljenih ponuda,
 - ime i adresa uspješnog ponuđača,
 - vrijednost ugovora,
 - najviša i najniža ponuda uzeta u razmatranje prilikom dodjele ugovora,
- eventualna vrijednost ugovora koji planira dati u podugovaranje trećim stranama

Član 32.

Ukoliko je postupak javne nabavke obustavljen donošenjem odluke o obustavljanju postupka nabavke od strane Ugovornog organa, a obavještenje o javnoj nabavci je bilo oglašeno u Službenom glasniku BiH, ugovorni organ je dužan oglasiti u Službenom glasniku BiH, obavještenje o poništenju postupka javne nabavke u primjerenom roku a ukoliko se obustava odnosi samo na pojedini lot iz javne nabavke onda zajedno sa obavještenjem o dodjeli ugovora za ostale uspjele Lotove.

Član 33.

O svakom postupku dodjele ugovora o nabavci, uključujući i postupke za koje je zaključen okvirni sporazum kao i direktni sporazum, priprema se izvještaj o postupcima nabavke, koji sadrži sve podatke u skladu sa provedbenim postupcima iz oblasti nabavke.

Izveštaj o obavljenom postupku nabavke, dostavlja se Agenciji za javne nabavke BiH u roku od petnaest dana od okončanja postupka nabavke na način i prema i prema obrascima koje propise Agencija za javne nabavke BiH.

Izveštaj treba da sadrži slijedeće podatke :

- Naziv ugovornog organa, ime, adresu, telefon, telefaks, web adresu, e-mail adresu, lica koja zastupaju ugovorni organ u vezi sa postupkom dodjele ugovora,
- Vrstu postupka za dodjelu ugovora i podatak o tome da li se radi o okvirnom sporazumu,
- Razlozi za ovaj oblik nabavke robe, usluge i radovi sa kratkim opisom karakteristika predmeta

ugovora, te u slučaju konkursa za izradu idejne projektne dokumentacije, cilj i svrha konkursa,

- Imena i adrese ponuđača koji su podnijeli uredne zahtjeve za dostavljanje ponuda,
- Imena i adrese ponuđača koji su pozvani da podnesu ponude ili da pregovaraju, kao i razloge za odbijanje slanja ponuda,
- Imena ponuđača čije ponude su bile odbačene i razlozi odbacivanja ponuda,
- Kratak opis postupka vrednovanja i uspoređivanja ponuda, preporuka i zaključak Komisije u vezi sa uspješnim ponuđačem,
- Ime uspješnog ponuđača i razlozi za odabir te ponude,
- Vrijednost dodijeljenog ugovora ili okvirnog sporazuma,
- Ukoliko je postupak nabavke otkazan ili ugovor nije dodijeljen iz bilo kojeg drugog razloga, navesti razloge zbog kojih ugovor nije dodijeljen,
- Ukoliko je predmet ugovora bio podijeljen na Lotove, potrebno je dostaviti i podatke o tome da li su nabavke iz svih Lotova bile uspješno provedene, a ako nisu podatak o tome koji Lotovi nisu bili uspješno provedeni,
- Ostale podatke u skladu sa provedbenim propisima i općim aktima Agencije za javne nabavke BiH.

Član 34.

U postupku javne nabavke roba, usluga i radova čiju je vrijednost Ugovorni organ procijenio na iznos koji je niži od domaćih vrijednosnih razreda, ugovor se može dodijeliti:

- Kroz postupak propisan člancima 10. i 11. ZJN, odnosno odredbama članova 3 do 33. ovog Pravilnika,
- Kroz postupak Konkurentskog zahtjeva za dostavljanje ponuda ukoliko vrijednost ugovora bude manja ili jednaka 30.000,00 KM i
- Putem direktnog sporazuma, ukoliko vrijednost tog ugovora bude manja ili jednaka 3.000,00 KM, s tim da vrijednost takvih ugovora u toku godine ne prede 10% proračuna predviđenog za tu vrstu nabavki.

Član 35.

Konkurentski zahtjev za dostavljanje ponuda je postupak u kojem se radi dodjeljivanja konkretnog ugovora, upućuje zahtjev za dostavljanje ponude za snabdijevanje robama, uslugama ili radovima, određenom broju ponuđača, a pri tome taj broj nije manji od tri (Član 46. ZJN BiH), a provodi se po odredbama predviđenim za otvoreni postupak, s tim štoje kod ovog postupka moguće provođenje postupka nabavke bez oglašavanja u Službenom glasniku BiH, ali je u tom slučaju potrebno prikupiti najmanje tri uredne ponude da bi postupak javne nabavke bio uspješno proveden.

Ovaj postupak javne nabavke se, također, razlikuje od otvorenog postupka i po tome što ako obavještenje za javnu nabavku putem Konkurentskog zahtjeva za dostavljanje ponuda bude objavljeno u Službenom glasniku BiH, i ako budu dostavljena najmanje tri zahtjeva za dostavljanje ponuda dobavljačima, dovoljno je da samo jedan dobavljač dostavi urednu ponudu i postupak javne nabavke će biti uspješan i moći će se zaključiti ugovor o nabavci roba, usluga ili radova sa tim

13. datum i broj Sudske presude na osnovu koje je obveznik uplate neporeznog prihoda oslobođen plaćanja iste evidentirane u donesenom upravnom aktu
14. ime službenika/namještenika koji je vodio postupak obračuna, evidentiranja i prikupljanja neporeznog prihoda

Član 5.

Saglasno stavu iz prethodnog člana svaka od službi unutar općine Gornji Vakuf- Uskoplje dužna je ažurirati bazu podataka dnevno i do petog u mjesecu dostaviti Službi za privredu, finansije i stradalnike rata i Općinskom načelniku na uvid radi analize i preduzimanja mjera i aktivnosti u slučaju poremećaja i problema vezanih za proces naplate neporeznih prihoda.

Iz naprijed navedenog izuzimaju se naplaćene administrativne takse naplaćene gotovinski i bezgotovinski u slučaju naplate prije preuzimanja upravnog akta, novčane kazne izrečene u prekršajnim postupcima na osnovu akta općine, kantonalne komunalne takse i naknade po osnovu koncesija koje su prihod budžeta općine, naknada za korištenje podataka izmjere katastra cestovne naknade za upotrebu puteva za vozila pravnih i fizičkih lica, a naplata je u nadležnosti kantonalnih organa .

Član 6.

Praćenje prikupljanja prihoda mora biti redovna aktivnost rukovodećih službenika općine. Ukoliko se javi odstupanje u smislu evidentiranih od prikupljenih prihoda rukovodeći službenik nadležne Općinske službe, Pomoćnik načelnika za privredu, finansije i stradalnike rata i Općinski načelnik će identificirati kritične tačke u sistemu prikupljanja prihoda i osigurati pismene instrukcije i zaduženja o obavezi i načinu prikupljanja neporeznih prihoda.

IV EVIDENTIRANJE NEPOREZNIH PRIHODA

Član 7.

Knjigovodstveno evidentiranje naplaćenih neporeznih prihoda vrši Služba za privredu, finansije i stradalnike rata općine Gornji Vakuf- Uskoplje shodno članu 60. i članu 64. Pravilnika o knjigovodstvu u Federaciji BiH ("Sl. novine Federacije BiH", br.15/07) .

Obaveza plaćanja neporeznog prihoda se utvrđuje aktom nadležnog organa iz čije nadležnosti se neporezni prihod utvrđuje i u skladu sa Zakonom ili drugim propisima donesenim na osnovu Zakona.

Nadležni organ u okviru svojih ovlasti, a u cilju obračuna i naplate javnih prihoda donosi odgovarajuće upravne akte.

Član 8.

Upravni akt nadležne općinske službe iz stava 3. prethodnog člana treba da sadrži elemente koji će služiti za ispravno evidentiranje obaveze i načina uplate neporeznog prihoda i treba da sadrži slijedeće:

1. ime/naziv obveznika uplate obračunatog neporeznog prihoda po upravnom aktu
2. iznos koji se treba uplatiti na ime obračunatog neporeznog prihoda po upravnom aktu
3. vrstu i ekonomski kod obračunatog neporeznog prihoda po upravnom aktu

4. rok za plaćanje
5. broj depozitnog računa Općine na koji se treba izvršiti uplata

V IZVOR NEPOREZNIH PRIHODA

1. TAKSE

Član 9.

Takse čija se naplata vrši u općini Gornji Vakuf-Uskoplje predstavljaju novčano izraženu vrijednost za rad organa izvršenog na zahtjev građana, pravnih lica i organizacija kao i drugih stranaka.

Takse se plaćaju na spise i radnje u upravnim stvarima kao i za druge radnje i spise predviđene Odlukom o administrativnim taksama("Službeni glasnik Općine Gornji Vakuf- Uskoplje" broj 13/07).

Takseni obveznik je ono lice po čijem se zahtjevu postupak pokreće odnosno obavljaju radnje predviđene Odlukom iz prethodnog člana.

Član 10.

Administrativne takse u općini Gornji Vakuf- Uskoplje naplaćuju se na osnovu Zakona o administrativnim taksama i naknadama i Odlukom o administrativnim taksama i odgovarajućom taksenom tarifom koja čini sastavni dio općinske Odluke.

Administrativne takse mogu se naplaćivati u predmetima i visini utvrđenim propisima iz prethodnog stava.

Član 11.

Obračun i naplata administrativnih taksi vrši se od strane službenika i namještenika na slijedeći način i to: Za podneske koji se predaju na pisarnici u trenutku predaje podneska

Za podneske date na zapisnik u trenutku sastavljanja zapisnika

Za rješenja, dozvole i druge isprave u trenutku kad se podnosi zahtjev za njihovo izdavanje

Za upravne radnje u trenutku kada se podnosi zahtjev za izvršavanje tih radnji

Za sve vrste ovjere u trenutku kada se vrši ovjera

Za sve izvode iz nadležnosti općine kada se izvodi traže Uplate po osnovu administrativnih taksi u općini Gornji Vakuf- Uskoplje se vrše bezgotovinski na depozitni račun Općine ili gotovinski kod službenika ili namještenika koji zaprima predmet ili vrši upravne radnje po zahtjevu stranke uz izdatu priznanicu stranci, a namještenik zadužen za naplatu takse Virman u jednom primjerku dostavlja stranci a sa drugim primjerkom postupa u skladu člana 8. ovog Pravilnika i kao dokaz o uplaćenju taksi spaja na podnesak.

Član 12.

Ako netaksirani ili nedovoljno taksirani podnesci i drugi spisi zaprimi služba nadležna za odlučivanje o zahtjevu, službenici i namještenici zaduženi za vođenje postupka dužno je pozvati taksenog obveznika opomenom da u roku od 8 dana od prijema opomene platiti propisanu taksu.

Rješenje ili drugi akt donijet povodom netaksiranog zahtjeva ne može biti uručen stranci prije nego plati propisanu taksu.

Član 13.

Stranka koja je platila taksu, a istu nije bilo dužna platiti, ili je taksu platila u iznosu većem od propisanog, ima pravo na povrat takse odnosno više plaćene takse. Postupak za povrat takse pokreće se na zahtjev stranke, a Odluku o povratu takse donosi Općinski načelnik u skladu sa Odlukom o izvršenju budžeta.

2. NAKNADE

Član 14.

Naknade kao Neporezni prihod u općini Gornji Vakuf-Uskoplje utvrđuju se kao;

- naknade za uređenje građevinskog zemljišta,
- naknade za izdavanje građevinskih dozvola,
- naknade za izdavanje upotrebne dozvole i vršenje tehničkog pregleda,
- naknade za izdavanje urbanističkih dozvola i korištenje prostorno-planske dokumentacije,
- naknada za rentu,
- naknade za dodjeljeno građevinsko zemljište,
- naknada za zakup poslovnih prostora, stanova i drugih nekretnina u vlasništvu općine,
- naknada po osnovu urbanističkih saglasnosti za reklame, oglase, natpise, zauzimanje javnih površina za postavljanje ljetnih bašti, postavljanje tezgi ispred poslovnih objekata ili za prigodnu prodaju,
- naknade po osnovu korištenja podataka katastra,
- naknade za vršenje usluga iz oblasti premjera i katastra,
- komunalna naknada.

Član 15.

Naknada za uređenje građevinskog zemljišta utvrđena je Odlukom o uređenju gradskog građevinskog zemljišta (Sl. glasnik općine Gornji Vakuf-Uskoplje, br.1/02) i naplaćuje se u postupcima koje vodi Služba urbanizam, građevinarstvo i prostorno uređenje. Uplatnica o izvršenoj uplati, kao i pomoćni obračun sastavni je dio spisa navedene službe.

Član 16.

Naknade za izdavanje upotrebne dozvole i vršenje tehničkog pregleda utvrđena je Odlukom o općinskim administrativnim taksama (Sl. glasnik općine Gornji Vakuf-Uskoplje, br. 13/07) i naplaćuje se u postupcima koje vodi Služba za urbanizam, građevinarstvo i prostorno uređenje. Uplatnice o izvršenoj uplati kao i pomoćni obračun sastavni je dio spisa navedene službe.

Član 17.

Naknada za korištenje prostorno-planske dokumentacije utvrđena je Odlukom općinskog načelnika br.02-23-257/02 od 05.03.2002.god. i naplaćuje se u postupcima koji se vode pri izdavanju urbanističke suglasnosti koje vodi Služba za urbanizam građevinarstvo i prostorno uređenje. Uplatnice o izvršenju uplate sastavni kao i pomoćni obračun dio je spisa navedene službe.

Član 18.

Naknada za rentu plaća se:

1. Kada se radi o vlasništvu državnog zemljišta utvrđuje se i plaća na osnovu Rješenja o dodjeli zemljišta, odnosno Rješenjem o utvrđivanju prava na gradskom građevinskom zemljištu i plaća se u trenutku izdavanja Rješenja što se dokazuje uplatnicom koja se pohranjuje uz spis,
2. Kada se radi o privatnom vlasništvu renta se obračunava i utvrđuje u urbanističkoj suglasnosti a plaća se do izdavanja građevinske dozvole, uplatnica o dostavljenoj renti dostavlja se Službi za urbanizam i graditeljstvo i prostorno uređenje, do dana izdavanja građevinske dozvole. Uplatnica o izvršenoj uplati je sastavni dio spisa navedene službe.

Član 19.

Naknade za dodijeljeno gradsko građevinsko zemljište utvrđuje se Rješenjem o dodjeli gradskog građevinskog zemljišta, odnosno Rješenjem o utvrđivanju prava na gradskom građevinskom zemljištu i plaća putem uplatnice koja se službi dostavlja prilikom preuzimanja rješenja o dodjeli. Naknada za Zakup zemljišta utvrđuje se Ugovorom o zakupu zemljišta, kojim se utvrđuje godišnji iznos zakupnine način plaćanja i rok plaćanja.

Član 20.

Ako se uplate ne izvrše prema ugovoru Služba za imovinsko pravne poslove i katastar dostavlja opomenu sa rokom plaćanja.

Ako se uplata ne izvrši u ostavljenom roku Služba za imovinsko pravne poslove i katastar pokreće postupak prema Općinskom javnom pravobranilaštvu Bugojno za naplatu i raskid Ugovora.

Član 21.

Neporezni prihodi naknade navedene članovima 18. i 19. utvrđuju se i naplaćuju po osnovu Odluke o građevinskom zemljištu ("Sl. glasnik općine Gornji Vakuf-Uskoplje", br.21/05), a pomoćni obračuni istih su sastavni dio spisa nadležnih službi.

Član 22.

Naknade za korištenje podataka katastra i naknade za vršenjem usluga iz oblasti premjera i katastra naplaćuje se u postupcima koje vodi služba za imovinsko-pravne poslove i katastar, a shodno Privremenim odlukama o naknadama za vršenje podataka premjera i katastra (Sl. novine Federacije BiH, br. 69/05).

Član 23.

Uslovi načina i visine naplate neporeznih prihoda nastalih od zakupnine poslovnih prostora, stanova i drugih nekretnine u vlasništvu općine Gornji Vakuf-Uskoplje (cijena zakupa) utvrđuju se Ugovorom koji se sklapa nakon provedenog postupka licitacije.

Član 24.

Naknade po osnovu izdavanja urbanističke suglasnosti za postavljanje reklama, reklamnih panoa oglasnih

Ukupna godišnja vrijednost svih nabavki putem direktnog sporazuma ne smije precizirati 10% ukupnog godišnjeg proračuna za nabavke Ugovornog organa.

Član 3.

Principi dodjele direktnog sporazuma

Ugovorni organ prilikom provođenja postupka direktnog sporazuma mora se pridržavati slijedećih principa iz Zakona :

- Zakonitosti,
- Efikasnosti,
- Konkurentnosti,
- Nediskriminacije,
- Transparentnosti

Ugovorni organ mora biti u mogućnosti da dokaže da su principi javnih nabavki zadovoljeni u konkretnom postupku direktnog sporazuma.

Član 4.

Priprema postupka

Postupak pripreme direktnog sporazuma počinje podnošenjem zahtjeva ili prijedloga Općinskih službi za upravu koji se podnosi Općinskom načelniku. Odobren zahtjev (prijedlog) Općinski načelnik prosljeđuje Komisiji za javne nabavke putem Odluke Općinskog načelnika o nabavci. Ova Odluka predstavlja pismeni nalog Komisiji za javne nabavke za početak postupka javne nabavke.

Zahtjev (prijedlog) mora sadržavati slijedeće :

Predmet nabavke,

Procijenjenu vrijednost nabavke i podatak o proračunskoj stavci sa koje su osigurana sredstva za navedenu nabavku.

Procjena vrijednosti nabavke može se bazirati na vrijednosti ranijih sličnih nabavki, uvidom u kataloge ponuđača, ispitivanjem tržišta ili korištenje iskustava ugovornih organa iz okruženja, s tim da procjena vrijednosti nabavke mora biti važeća u trenutku kada ugovorni organ zatraži ponudu od konkretnog dobavljača.

Član 5.

Donošenje Odluke o primjeni postupka direktnog sporazuma

Nakon prijema ponude jednog dobavljača, procjene vrijednosti nabavke i ispitivanja tržišta, a prije donošenja Odluke o direktnom sporazumu Ugovorni organ donosi Odluku o primjeni postupka direktnog postupka.

Član 6.

Zaključivanje postupka direktnog sporazuma

Postupak direktnog sporazuma može se zaključiti na dva načina :

- Prihvaćanjem računa ili drugog osnova za plaćanje od strane ponuđača za nabavke čija vrijednost iznosi 500,00 KM ili manje, direktni sporazum se smatra zaključenim uz prilaganje odgovarajuće dokumentacije (Ponuda

dobavljača, račun dobavljača ili drugi vid plaćanja, Odluka o prihvaćanju ponude od strane Ugovornog organa),

- Ugovorom u pismenoj formi ili narudžbenicom Ugovornog organa uz provođenje postupka nabavke putem direktnog sporazuma, ako je vrijednost nabavke viša od 500,00 KM.

Kod zaključivanja direktnog sporazuma prihvaćanjem računa ili drugog vida plaćanja za nabavke čija vrijednost iznosi 500,00 KM ili manje, Ugovorni organ donosi Odluku o direktnom sporazumu kojom prihvaća ponudu dobavljača čime se postupak nabavke završava, dok u slučaju zaključivanja direktnog sporazuma putem pismenog ugovora ili putem narudžbenice kada je vrijednost nabavke viša od 500,00 KM, pored donošenja Odluke o direktnom sporazumu od strane Ugovornog organa, Komisija za javne nabavke provodi postupak shodno članu 7. ovog Pravilnika, koji se okončava zaključivanjem pismenog ugovora o direktnom sporazumu.

Član 7.

Odabir dobavljača i provođenje postupka

Komisija za javne nabavke provodi postupak nabavke direktnim sporazumom putem Ugovora u pismenoj formi na slijedeći način :

Komisija će prvo ispitati tržište, odnosno obaviti će više telefonskih razgovora sa potencijalnim ponuđačima a po potrebi ispitati će tržište u širem okruženju upotrebom interneta ili korištenjem iskustava drugih ugovornih organa iz okruženja.

Nakon toga Komisija bira jednog ponuđača kojeg će pozvati da dostavi ponudu.

Nakon prijema ponude koja je tražena, Komisija za javne nabavke će na zatvorenom sastanku izvršiti ocjenu ponude, odnosno voditi će pregovore u skladu sa dobrom komercijalnom praksom, te će dati preporuku Ugovornom organu da se zaključi ugovor o direktnom sporazumu.

Ugovorni organ će na osnovu preporuke komisije donijeti odluku o direktnom sporazumu i datumu zaključenja Ugovora o direktnom sporazumu, te dostaviti je predsjedniku komisije za javne nabavke. Predsjednik komisije za javne nabavke će nakon toga u roku od tri dana dostaviti obavještenje ponuđaču da je njegova ponuda prihvaćena i obavijestiti ga o datumu zaključenja Ugovora o direktnom sporazumu ili mu poslati ugovor o direktnom sporazumu na potpis.

Po jedan primjerak zaključenog direktnog sporazuma dostavit će se i Službi za gospodarstvo, finansije i stradalnike rata, kao i Općinskoj službi koje je podnijela zahtjev (prijedlog) za javnu nabavku.

Član 8.

Pravo prigovora

U postupku direktnog sporazuma dobavljač ima pravo prigovora, a žalba nije dopuštena.

Član 10.

Prijelazne i završne odredbe

Općinski načelnik :

188. P R A V I L N I K o materijalnom poslovanju-----	105
189. U P U T S T V O o načinu evidentiranja i plaćanja ulaznih faktura -----	106
190. P R A V I L N I K o popisu imovine, potraživanja, zaliha i obaveza -----	107
191. P R A V I L N I K o popisu imovine, potraživanja, zaliha i obaveza -----	107
192. P R A V I L N I K o javnim nabavkama -----	108
193. U P U T S T V O o kolanju računovodstvene dokumentacije-----	114
194. P R A V I L N I K o evidentiranju, prikupljanju i naplati nepoznatih prihoda -----	115
195. I N T E R N I P R A V I L N I K o postupku direktnog sporazuma -----	118
196. U P U T S T V O o procedurama za stvaranje obaveza-----	122
197. O D L U K U o izmjeni i dopuni Odluke o uspostavljanju Centra za birački popis općine Gornji Vakuf-Uskoplje--	122
198. O D L U K U o isplati novčane naknade za topli obrok za april 2008. godine -----	123
199. O D L U K U O odobravanju sredstava iz Budžeta općine Gornji Vakuf – Uskoplje za 2008. godinu Filipović Seadi -----	123
200. O D L U K U O odobravanju sredstava iz Budžeta općine Gornji Vakuf – Uskoplje za 2008. godinu Općinskoj izbornoj komisiji -----	123
201. O D L U K U O odobravanju sredstava iz Budžeta općine Gornji Vakuf – Uskoplje za 2008. godinu predsjednicima mjesnih zajednica-----	124
202. O D L U K U O odobravanju sredstava iz Budžeta općine Gornji Vakuf – Uskoplje za 2008. godinu Dobrovoljnom vatrogasnom društvu Gornji Vakuf-Uskoplje -----	124
203. O D L U K U O odobravanju sredstava iz Budžeta općine Gornji Vakuf – Uskoplje za 2007. godinu Općinskom javnom pravobranilaštvu Bugojno -----	125
204. O D L U K U O odobravanju sredstava iz Budžeta općine Gornji Vakuf – Uskoplje za 2007. godinu JU Centru za socijalni rad-----	125
205. O D L U K U O odobravanju sredstava iz Budžeta općine Gornji Vakuf – Uskoplje za 2007. godinu JU Centru za obrazovanje i kulturu-----	125
206. O D L U K U o odobravanju sredstava iz Budžeta općine Gornji Vakuf – Uskoplje za 2007. godinu Političkim strankama općine Gornji Vakuf-Uskoplje-----	126
207. O D L U K U O odobravanju sredstava iz Budžeta općine Gornji Vakuf – Uskoplje za 2008. godinu Udruženju za speleologiju, ekologiju i planinarstvo "Ledenica"-----	126
208. O D L U K U O odobravanju sredstava iz Budžeta općine Gornji Vakuf – Uskoplje za 2008. godinu Udruženju logoraša općine Gornji Vakuf-Uskoplje-----	127
209. O D L U K U O prijenosu sredstava na izdvojeni namjenski žiro račun za finansiranje civilne zaštite općine Gornji Vakuf-Uskoplje -----	127
210. O D L U K U O odobravanju novčanih sredstava pomoćniku općinskog koordinatora za deminiranje općine Gornji Vakuf-Uskoplje -----	127
211. O D L U K U O odobravanju sredstava iz Budžeta općine Gornji Vakuf – Uskoplje za 2008. godinu Fatimi Abazović-----	128
212. O D L U K U O odobravanju sredstava iz Budžeta općine Gornji Vakuf – Uskoplje za 2008. godinu Anti Grbavcu -----	128
213. O D L U K U O odobravanju sredstava iz Budžeta općine Gornji Vakuf – Uskoplje za 2008. godinu Nevenki Čečura -----	129
214. O D L U K U O odobravanju sredstava iz Budžeta općine Gornji Vakuf – Uskoplje za 2007. godinu JU Centru za socijalni rad-----	129